

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-4597-14/22

Datum: 03.10.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka e), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivnu nabavku rezervnih dijelova za motorna vozila za potrebe Uprave policije, imenovane Rješenjem broj: 02/5-1-30-1-3791 od 10.05.2022. godine, u postupku javne nabavke rezervnih dijelova za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O PONIŠTENJU POSTUPKA JAVNE NABAVKE REZERVNIH DIJELOVA ZA MOTORNA VOZILA ZA LOT 3

I

Poništava se postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, i to:

1. iz razloga što su cijene svih preostalih prihvatljivih ponuda znatno veće od osiguranih sredstava za predmetnu nabavku:
 - LOT 3 – Nabavka rezervnih dijelova za motorna vozila marke Ssang Yong.

II

Poništava se i stavlja van snage Odluka o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022. godine u dijelu koji se odnosi na LOT 3.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-4597/22 od 16.06.2022. godine i Obavještenja o nabavci broj: 16475-1-4-31-3-59/22 od 17.06.2022. godine, proveden je otvoreni postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

Prema Zapisniku sa otvaranja ponuda broj: 02-11-4-4597/22 od 09.08.2022. godine za aktivno učešće u postupku dostavljene su ponude ponuđača za:

- LOT 3 - Autoelektra d.o.o. Sarajevo i Kare d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-4597-6/22 od 22.08.2022. godine, kojim je utvrdila slijedeće:

- da ponude ponuđača Autelektra d.o.o. Sarajevo i Kare d.o.o. Sarajevo za LOT 3 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Autoelektra d.o.o. Sarajevo za LOT 3, nakon ispravljanja računске greške, treba da iznosi 78.780,00 KM umjesto pogrešno upisanih 78.550,00 KM (razlika 230,00 KM).

Na upućeni zahtjev ponuđač je u ostavljenom mu roku dao svoju saglasnost za ispravku računskih grešaka.

Uvidom u ponudu ponuđača Kare d.o.o. Sarajevo Komisija je utvrdila da je ponuđena ukupna cijena za LOT 3 znatno veća od osiguranih sredstava za predmetnu nabavku. U članu 1. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) data je definicija e-Aukcije, koja glasi: „E-Aukcija je način provođenja dijela postupka javne nabavke, koji uključuje podnošenje novih cijena, izmjenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacijskom sistemu e-Nabavke.“

S obzirom na navedeno, sa aspekta transparentnosti i podstičući aktivnu konkurenciju, svrsishodno i efikasno je dopustiti učestvovanje u e-Aukciji i ponuđačima čije ponude premašuju iznos procjenjene vrijednosti nabavke, jer će ponuđači zasigurno snižavati svoju cijenu i na taj način u krajnjoj liniji učiniti svoje ponude prihvatljivim u pogledu cijene.

Budući da se u postupcima nabavki u kojima se provodi e-Aukcija ponude rangiraju nakon e-Aukcije, tako se i odluka o izboru/poništenju postupka nabavke donosi nakon e-Aukcije.

Nakon ovoga stekli su se uslovi za zakazivanje e-aukcije.

E-aukcija je zakazana za dan 24.08.2022. godine sa početkom u:

- 11.30 sati za Lot 3.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije nije došlo do smanjivanja cijena i podnošenja novih ponuda.

Nakon čega je Komisija sačinila konačan Zapisnik o pregledu i ocjeni ponuda broj: 02-11-4-4597-8 od 31.08.2022. godine sa preporukom o donošenju odluke o dodjeli okvirnog sporazuma.

Ugovorni organ je prihvatio ponudu prvorangiranog ponuđača Autoelektra d.o.o. Sarajevo sa konačnom cijenom za:

- LOT 3 – Nabavka rezervnih dijelova za motorna vozila marke Ssang Yong u iznosu od 78.780,00 KM bez PDV-a.

Donesena je odluka o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022. godine i zajedno sa Zapisnikom o pregledu i ocjeni ponuda broj 02-11-4-4597-8/22 od 31.08.2022. godine dostavljena ponuđačima u ovom postupku javne nabavke. Nakon što prvorangirani ponuđač nije, u ostavljenom roku, dostavio u skladu sa članom IV odluke o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022.

godine dokumente koji se odnose na član 45. stav (2) tačka od a) do d), na osnovu člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14 i 59/22) u postupku javne nabavke roba provedenog putem otvorenog postupka – nabavka rezervnih dijelova za motorna vozila marke Ssang Yong za potrebe Uprave policije Ministarstva unutrašnjih poslova Kantona Sarajevo, Ugovorni organ bi trebao dodjeliti okvirni sporazum drugorangiranom ponuđaču Kare d.o.o. Sarajevo.

Nakon izvršenog rangiranja ponuda, Komisija je utvrdila da shodno kriteriju za dodjelu ugovora „najniža cijena“, kvalificirani ponuđač Kare d.o.o. Sarajevo je za Lot 3 ponudio ukupnu cijenu koja znatno premašuje procjenjenu vrijednost nabavke i znatno je veća od osiguranih sredstava za predmetnu nabavku.

S obzirom da ugovorni organ u ovom momentu ne može obezbjediti nedostajući iznos sredstava za okvirni sporazum/ugovor koji treba da dodijeli, ponuda ponuđača Kare d.o.o. Sarajevo nije prihvatljiva u ekonomskom smislu.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka e) Zakona o javnim nabavkama („Službeni glasnik BiH”, broj 39/14 i 59/22), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



POLICIJSKI KOMESAR
Generalni inspektor policije

Nusret Scimović

Dostaviti:

1. Sektoru za materijalno-finansijske poslove
2. Ponuđaču x2
3. Odjeljenju za odnose s javnošću, radi objave na web stranici ovog organa
4. a/a